


Alkitab Sagan Kakanakan

Mengenal akan

Petani lawan
Bibit



Panulis: Edward Hughes

Nang manggambar: M. Maillot; Lazarus
Alastair Paterson

Nang manyusun: E. Frischbutter; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pas hari Yesus mangajar di pinggir danau. Banyak urang bakumpul hagan mandangar-Nya. Karumunan urang

jadi talalu ganal. Napa nang pacangan Yesus lakuakan?




Malihat jukung di parak-Nya, Yesus
naik ka atas jukung. Wahini inya
kawa malihat urang-urang lawan
buhannya kawa malihat lawan
mandangar-Nya.



Yesus mamulai kisah tantang
parumpamaan, kisah tantang kajadian
sahari-hari nang mangajar urang-
urang tantang Allah.



"Saurang patani mahambur bibit di kabunnya." Kisah Yesus bagaiakan lukisan lawan kata-kata kada hinggakan gambaran wara.





Urang-urang kawa mambayangakan
kayaapa patani ngintu bagawi, buhannya
malihatnya baulang-kali.



Sapalih bibit nang dihambur
gugur di jalan satapak.
Swoosh! Burung-burung
lawan lakasnya maambilnya
hagan dimakan.



Sapalih bibit gugur di bagian babatu matan tanah. Buhannya lakas tumbuh jadi tanaman jadi kada kuat. Panas matahari maulah tanaman ngintu layu maraga kada kawa baakar nang dalam di tanah.




Bibit nang lain gugur di tanah
tanaman baduri. Kada kawa tumbuh
hagan manghasilakan biji
hanyar. Tanaman baduri
manutupi bibit nang
sadang tumbuh, manutupi
matan sinar matahari
lawan hujan.



Sisa matan bibit ngintu gugur di tanah nang subur. Waktu balalu, tunas tumbuh jadi tanaman nang sihat manghasilakan banyak biji hanyar. Patani himung banar lawan hasil panennya.



Pas akhir kisah, murid-murid datang ka Yesus.
"Kanapa Ikam mangajar lawan parumpamaan?" Ujar
buhannya.



Yesus baucap parumpamaan manulung urang hagan mangarti tantang Allah amun buhannya mancintai Allah. Urang nang kada mancintai kada kawa mamahami kisah parumpamaan.



Yesus manjalasakan tantang
parumpamaan-Nya. Inya baucap
bibit dalam kisah adalah Sabda Allah.




Bibit nang di jalan satapak kaya urang nang mandangar tapi kada mangarti Sabda Allah.

Iblis maulah buhannya kada ingat lawan apa

nang ujar Allah.



Sapalih urang lawan lakas manarima Sabda Allah. Buhannya kaya bibit nang gugur ka tanah babatu. Lawan mudah amun sasaurang mahuluti buhannya atawa maulah kasusahan maraga buhannya mancintai Allah, sasuatunang manyadihakan tajadi.



Urang nang sama nang lawan arai mulai maumpati Yesus pacangan baubah lawan ampih manaati Sabda Allah. Buhannya kada mau manarima dampak amun maumpati Allah. Liwar sadihnya maraga buhannya labih katuju manyanangakan kawan-kawannya daripada Allah.



Tanaman
baduri ngintu
mangumpamaakn
karisauan lawan kacintaan
lawan duit nang mangisi
kahidupan sapalih
urang. Buhannya sibuk
banar mangusahaakan
mandapat duit labih
lawan barang-barang
pas malapasakan
Allah dari kahidupan
buhannya.



Tapi bibit nang gugur di tanah nang subur manghasilakan panen nang baik kaya Sabda Allah masuk ka hati lawan mangubah hidup urang. Urang-urang ngini malayani lawan manghormati Allah.



Rombongan urang-urang kada mau maninggalakan wadah. Banyak nang handak maumpati Allah lawan manyanangi inya. Parumpamaan Yesusu manulung buhannya mangarti kayaapa harus taat ka Allah.



Petani lawan Bibit

Sabuting kisah matan Firman Tuhan, Alkitab

Taulih dalam

Matius 13

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

